



旄头漫捲西風

甘肅人民出版社

目 錄

旧体詩詞

清平乐（六盤山）	毛澤东（1）
詩三首	董必武（2）
記華清池	郭沫若（3）
甘肅記游雜詩（六首）	朱光潛（4）
西北旅行詩（二十五首）	常任俠（9）
西北紀游雜詠（十首）	李 紅（16）
三門峽水庫將成誌喜（八首）	李 紅（19）

新 詩

西北詩鈔（五首）	馮 至（21）
西北雜詩（二首）	馮 至（26）
西北故事雜詠（三首）	馮 至（30）
鷄的故事	馮 至（34）
登大雁塔	馮 至（39）
青海基地（三首）	徐 迟（41）
西苑書簡（三首）	李 季（44）
回延安	賀敬之（47）
青海短詩（六首）	沙 鷗（51）
編后	（54）

清 平 乐

毛 澤 东

六 盤 山

天高云淡，
望断南飛雁。
不到長城非好漢，
屈指行程二万！

六盤山上高峯，
旄头漫卷西風。
今日長纓在手，
何時縛住蒼龍？

詩 三 首

董必武

游蘭州五泉山

蘭州名勝地，共說五泉山。
近市塵囂遠，多祠香火慳。
溪流隨小徑，嶺勢壓雄關。
清景難為狀，看云獨樹閑。

一九五五年十月三日阻風，
夜宿酒泉飛機場招待室紀聞

古昔稱絕塞，將成工業區。
石油多始掘，煤鉄富無虞。
豈地愛其寶？緣人迷了途。
自當家作主，荒瘠變膏腴。

一九五五年十月偕壽山、鳳
翔、國忠、明健諸同志游臨
潼華清池捉蔣亭，讀郭沫若
詩，次韻一首

依旧驪山兀老蒼，自來史迹頗荒唐。
始皇大塚埋勞役，天寶清池斃壽王。
幸有張楊雙十二，遂無美蔣馬牛羊。
郭公雅興留佳句，我輩賡歌亦樂康。

記 華 清 池

一九五五年五月初參加亞洲
國家會議歸來，路過西安游
華清池捉蔣亭作。

郭沫若

驪山云樹郁蒼蒼，歷盡周秦與漢唐。
一脈溫湯流日夜，几坯荒塚話皇王。
已驅碩鼠歌麟鳳，定復台澎系犬羊。
捉蔣亭邊新有路，游春士女樂而康。

甘肅記游雜詩(六首)

朱光潛

蘭州歌

有酒歡今夕，請為蘭州歌。
蘭州百里市，物阜民安和。
西枕祁連東帶河，四郭羣山拥翠螺；
五泉涌出皋蘭坡，泉水淙淙如鳴珂；
復有雁灘浮水渦，盛產瓜果與嘉禾，
市廛棋布，珍寶星羅；
車不停轉，水不停波；
商賈來往如穿梭，牛羊雜遝間明駝；
回民藏民時經過，蓀衣斑斑高冠峨；
秦腔越調不同科，一視同仁無偏頗；
共慶升平樂事多，翩翩士女舞婆娑。
我來西北為觀摩，西北富庶真不訛，
工業建設理則那，及時努力莫蹉跎。

烏 鞘 嶺

烏鞘八月似芳春，鴨綠鵝黃滿地茵，
小麥才青瓜未熟，江南無此艷陽晨。

經戈壁赴敦煌

驅車走戈壁，遙見水一灣，
行至水現處，依旧是黃沙。
驅車走戈壁，遙見樹成林，
行至林現處，亂石倚沙岑。

玉門油田歌

面嘉峪，背祁連，
茫茫沙磧，一望無邊，
山無飛鳥，野無人烟，
玉門自古稱絕域，春風不度，過者涕漣漣。
于今科學擅威權，人力偉大勝自然，
山可移，谷可填，
穿崖通鐵路，筑壩屯巨川，
君不見雙手勞動創世界，且看玉門沙漠起油田。

起油田，事非虛，
誰其創者孫健初。
石油國所需，人有我獨無。
孫公立志事勘探，棄駝跋涉萬里途。

橫跨祁連穿戈壁，來此老君堂下奠詛廬。
寢無床兮食無蔬，日日勘探荒山隅。
鑿深井，起軸轆，
萬年寶藏一朝發，石油迸出如決渠，須臾成河復成湖。
當時羣魔竊國柄，搜刮脂膏為私圖，
規模狹小技術陋，遂令寶物淪邱墟。

自從解放百廢興，黨政協力更經營，
蘇聯經驗勤討探，鑽機煉廠煥然新。
工人當家作主人，勞動競賽忘苦辛，
朝朝涌出先進者，英雄榜上記芳名。
勘探隊，女郎盡妙齡，
攀山越水不辭險，忍飢耐寒輕死生，
夜宿荒山深澗里，四面狼號虎嘯聲。
為何不顧身？指標計劃要完成。
鑽井隊，頑強盡老兵。
井架高舉入青雲，側身架頂如懸旌，
寒冬深夜風兼雪，轉輪換管不稍停。
為何不顧身？生產質量要提升。
旁隊當仁各不讓，英雄事迹難縷陳。
萬眾同心復協力，玉門遂成祖國第一石油城。

石油城，事非微，
工業建設此其基。
動力賴燃料，機床賴滑脂。
飛機無油不能飛，汽車無油不能馳。
農庄有石油，開動拖拉機；
國防有石油，御侮逞雄威。

复有副產藥品瀝青与白蠟，利農利工利商复利医。
石油如血脈，血脈不流四肢疲。
玉門虽僻远，貢獻耐尋思。
况复新礦源源出，柴达木之后，又傳克拉瑪依。
陸續待开采，都須于此練干部，覓風規。

美哉石油城，今与昔比太不倫；
昔日戈壁灘，今日成市且繁荣。
柏油馬路淨無塵，夾道高楊如翠屏，
車如流水隊如鱗，都为任务奔前程。
市罗蜀錦与吳綾，哈密香瓜新会橙，
各得所需無不快，亦有旨酒宴嘉賓。
市內公園寬且平，百花如錦草如茵，
靄靄和風扇旭日，翩翩士女笑相迎。
歌剧院，跳舞廳，
人山人海欢气騰，
業余載歌还載舞，兴到彈棋复鳴箏。
散步上东岡，夜景最怡情，
岡上万点星，岡下万家灯，
星光灯光相輝映，樓台隱約似仙瀛。
君不見社会主义前途光景好，且來玉門參觀
祖國第一石油城！

臨 澤 謠

过臨澤沙河堡，停車小憩，有農村
小女子見沈慧同志深致欣羨，伸
手撫其膚髻，因为小令以紀其事。

蔭日高榆臨大道，

暫息征車，
車前逢窈窕。
華年二八，
綵帕雙鬟小。

驚看沈娘膚色好，
仔細摩娑，
纖纖移玉爪。
人前覩覩，
不惜傾懷抱。

題周怀民敦煌圖

鳴沙石室耀西疆，佛藝東流此濫觴。
但願來賢揚大統，三危再度放金光。

西北旅行詩（二十五首）

常任俠

桥兒溝

桥兒溝边聖母祠，当年魯藝系人思。
村農爭問周揚好，細述扶头灌酒时。

桥兒溝在延河北岸，离延安十余里，地有聖母祠，过去魯迅藝術学院即在此处。往訪農社主任趙步喜，談魯藝在此活动情况。趙步喜同志談周揚同志住在此时，常來村中，親愛如家人。春節联欢，農人邀之飲酒，不飲則兩人捉耳、扶头强灌，并不为忤。親愛之情，至今念念不忘。村人爭來問周揚同志好，周揚同志送來秧歌鑼鼓，当日即歡樂舞蹈，甚为热烈。留社午餐，始返延安。

桥陵宜君道中

洛水灘初落，桥陵日欲斜。
川原如画稿，林壑隱人家。
鑿洞宜寒暑，引流灌稻麻。
乱山行不尽，何处是天涯！

延安晨望

延河流碧野，古塔聳晴空。
革命英雄地，東方曉霞紅。

山丹花（延安道中所見）

山丹花開別樣紅，葵花開時總朝東。
儂心亦如葵心望，誰摘山丹送與儂。

哭泉（宜君道中所見）

孟姜女嫁范喜郎，生長澧州辭故鄉。
落日荒山揮涕淚，哭泉湧現潤愁腸。

蘭州飯店遠眺

水繞山環處，名都是泉蘭。
五泉通翠閣，諸果荐冰盤。
大道連西固，高樓接雁灘。
十年新建設，百里市容寬。

赴劉家峽途中

河谷原無路，奔車冒雨行。
崩岩紛錯雜，野水亂縱橫。
嶺上人煙少，高田黍麥生。
停車茅舍畔，婦孺笑相迎。

刘家峡即景

刘家峡口風光好，筑壩攔洪百利收。
河水到此山一束，紅岩綠樹映黃流。

紅柳溝工事俯瞰

紅柳溝前望，下臨絕巘憑。
中流施鑽探，兩岸隨鋼繩。
急水激洪响，削岩露斷層。
如今施建設，潛力獻全能。

过烏鞘嶺

(一)

烏鞘嶺上菜花黃，二麥青青未上場。
八月此間如四月，錯將秋色作春光。

(二)

高嶺層巒未易通，盤旋鐵道上凌空。
只今劳动英雄力，巨斧开山勝五丁。

过天祝自治区

东來旅客各添衣，行过天祝自治区。
气候微凉庄稼好，山間流水灌田畦。

过 武 威

每每原田映夕暉，筑堤攔水黍稷肥。
土屋处处高級社，万戶丰收看武威。

过 張 掖

車中不能寐，披幃看牽牛。
星光照四野，夜过古甘州，
模糊見村樹，始知人野稠。
应是戈壁中，西行有綠洲。

戈壁灘 远望

雪峯聳峙祁連山，戈壁茫茫接玉关。
一片綠洲詩意好，稻田村樹水弯弯。

嘉峪关即景

嘉峪关前落日圓，茫茫戈壁少人烟。
地平一綫綠如薺，佇立長城古道边。
灌田水自雪山下，戈壁光从云隙來。
金色殘陽偎远樹，朱霞天半起樓台。

晨过赤金峽

古堡初陽朝气温，小桥流水繞孤村。
奔車已过赤金峽，一片平沙望玉門。

过 玉 門

玉門烟樹郁蒼蒼，垂柳白楊大道傍。
喜看農人收麩麥，時逢村豎牧牛羊。
移民四郡弭災患，屯戍千軍開大荒。
拖拉機羣翻土地，十年規劃足興邦。

安 西 途 中

海市時時見，黃沙處處迷。
漸看綠樹近，應是到安西。

至 千 佛 洞

一片綠洲開異境，百年茂樹蔭流泉。
我來已是經千劫，寶洞登臨見妙顏。

題周怀民画

明月照千佛，古寺聞清鐘。
流泉送秋韻，蕭蕭楊柳風。

題陶一清画

野水鳴清瀨，秋山萬樹紅。
不知深谷里，可有采芝翁。

鄧宝珊省長招飲慈愛園

鄧氏慈愛園為蘭州第一，
園中廣種名花佳果，梨子林
尤美。一樹可結數百斤，
樹齡多四五十年矣。

園名慈愛種甘棠，青李來禽入座香。
四壁縹緗充畫閣，五泉烟靄護書堂。
歲寒松柏知高節，秋熟葡萄照夜光。
多謝主人情意重，酡顏猶自勸霞觴。

寶鷄道中

山下人家近小溪，山頭翠色萬松低。
縈迴一澗隨峯轉，蜿蜒雙軌傍水迤。
隧道臨崖通險峻，疎林如畫亦清奇。
渭河沿岸風光好，不覺行行到寶鷄。

西安留別

朱霞照渭水，雲樹郁蒼蒼。
情重難為別，相思永不忘。
馬嵬遵古道，雁塔隱斜陽。
敬謝主人意，西行去路長。

过 黄 河

黄河之水从西來，冲風挾浪羣山开。
兩岸水土多流失，百谷千壑孕禍胎。
下趨平陸愈浩瀚，自古泛濫常为災。
大堤束水勢險惡，河床積沙成高台。
昔年蔣幫輕人命，决堤放水驚轟雷。
濁流滾滾人烟尽，巨浪滔滔鴻雁哀。
田廬漂泊不知救，平疇弥望絕蒿萊。
解放以來务水利，治河规划抒宏才。
上游有峽三十六，筑壩攔水高崔嵬。
不为民害为民利，能儲能洩憑主裁。
能發电力千万瓦，推动机器增富財。
能溉田疇千万頃，縱橫溝洫無飛埃。
西迄蘭州东至海，运输巨舶任往回。
古謂河清时难俟，河清可見無疑猜。
煌煌大計照百世，巍巍巨人鎮九垓。
黄河今日得改造，發揮偉力实壯哉。
蜿蜒九曲流金浪，夾岸百花开瓊瑰。